

# 17 OCTOMBRIE

## RUGACIUNEA 3

### SF. CUVIOASE

## ALIPIA AVDEEVA DE LA PECERSKA

О, преподобная мати наша Алипие!  
Буди предстательницею за усопших рабов Божиих, отшедших от сего берега временныя жизни и не достигших тихаго пристанища, яко возлюбила ты еси о них молитву, труждаяся во время святаго твоего жития, на всяк день - подвигом приношения милостыни о них. Принесесея жертва твоя, яко благовонный фимиам пред Господем, и милостыне твоей призре Господь, и изведе от ада многия умершия, твоими добрыми делы и молитвою избавленныя. Веруем бо, яко любовь твоя ко умершим не угасла и ныне, посему припадаем тебе и просим: помози усопшим нашим, подаждь им руку помощи твоея, виждь слезы наши и моления, и веру, яко ты предстоиши ныне пред престолом Бога Вседержителя, и молишися о усопших рабех Его, отпавших от любве Отческия, но сердцем сокрушенных и не могущих приблизитися ко свету Его. Изведи души их, тьмою содержимых, и согрей светом

славы Божией, коей сияешь ты, якоже солнце пресветлое, да не погибнут во век, но молитвами твоими прейдут от смерти в живот и достигнут тихаго пристанища в Небесном Иерусалиме, непостыдно предстанут на Страшнем пришествии Небесного Царя, яко добро есть и угодно Богу молиться о душах отшедших, имена их не забыты Господом, слышит Он угодников Своих, вопиющих к Нему. Посему посла тебе, мати Алипие, усердную молитвенницу. Темже молим тя: подаждь и нам во время отшествия нашего, а такожде и душам усопших рабов Божиих от великого богатства добродетелей твоих, да вси купно прославляем Бога нашего, Отца и Сына и Святага Духа, дивного во святых Своих. Аминь.